

~~6109 6~~

50 ~~55~~ 37 T 5476 .3 / 83 B

~~5531.320~~



御製詩二集卷之六十三

古今體一百二十首

丙子

常雩禮成述事

崇隆玉陛

泰壇圓咫尺

明威對

昊乾祭舉常雩占角後澤霑三日潔齋前情  
知夏長秋成遠顯籟五風十雨駢敢幸時和  
弛乾惕躬親昭事願年年



御園即事

山亭水榭報清和，踰月流光迅若何。樹試綠

陰方張王去二字花留紅意亦婆娑。亡魂縱是

逃獫狁獲醜，惟應待洛那。叛賊阿睦爾撒納

當擒縛以獻洛那即也。識事難期，盡善洗兵

志在挽天河。去歲平定伊犁而阿睦爾撒納

等亦有附彼為亂者已而眾知悔過欲擒彼

贖罪又以眾志不齊竟致竄逸今我軍既至

伊犁大局已定特以窮極遊魂未

致俘而大局已定特以窮極遊魂未

致俘而大局已定特以窮極遊魂未

致俘而大局已定特以窮極遊魂未

致俘而大局已定特以窮極遊魂未

致俘而大局已定特以窮極遊魂未

致俘而大局已定特以窮極遊魂未

致俘而大局已定特以窮極遊魂未

致俘而大局已定特以窮極遊魂未

致俘而大局已定特以窮極遊魂未

致俘而大局已定特以窮極遊魂未

致俘而大局已定特以窮極遊魂未

題王問畫拾得像

色空作麼生會袈裟聊爾蔽寒皤腹箇中無  
著哆口常自餘歡適遇傳神子裕底殊饒舌  
豐干依稀向人欲語云當作如是觀

兩韻詩

膏以明煎玉以英錯智者千慮愚亦一得伐  
胡見戮築墻見疑非知之難難於處知虎威  
以爪劍利以鐔强弩之末魯縞示弱達人知  
命君子見機滅竈徒曰言戒非時

文徵明梅竹雙禽圖即用其韻

有梅未覺小園荒間竹真稱君子堂對語山  
禽不飛去為耽幽籟與清香

初夏萬壽山雜咏

水態峰姿入夏新名山踰月此遊巡光春題  
句方粘壁許爾相看日以陳

六橋隄畔菜花黃影入漪瀾錦七襄遲較青  
齊將卅日農家月令信何常

層樓雅號畫中遊四面雲窗萬景收只有昆

明太空闊破煙幾點下閒鷗  
長隄幾曲綠波涵堤上柔柔好養蠶為重女  
功勸燕北漫猜畫意肖江南  
青蒲白芷帶沙濱小艇尋常狎鷺羣棹入輕  
烟忽不見數聲伊軋遠猶聞

惠山園

峽聲入夏壯林色較春濃徑度鏡中約遙聞  
雲外鐘迎眸惟靜趣隨意作清供塔影波間  
落還疑印九龍

柳橋

著箇輕舸弄拍浮漾沿直到柳橋頭漫漫晴  
落謝家雪却似山陰訪戴游

鏡橋

匪垂虹影詎拖紳何處空明可著塵若道湖  
光宛是鏡阿誰不是鏡中人

昆明湖中泛舟題景明樓

逗景明湖漾木蘭層樓影入碧波寬開篷恰  
喜來澄照倚檻何殊暢遠觀聳翠流丹相上

下沼芳隄卉未闌珊當年忽憶曾題句樂善堂集  
中有詠水中樓影之作卅載流陰一指彈

浴佛日偶題

五香水貯淨琉璃共道生從右脇時無垢至  
人還待浴洗心竟者又伊誰

題張宗蒼林壑幽居圖

淡真最愛宗蒼畫搜索應教概遍吟只恐衡  
門彼作者林居却悔未曾深

大雨四月十日

豐隆作解沛滂沱數聲上目何曾十日過律中

筑琴拊銀竹絲無機杼織空羅穗將吐益資

麩麥苗始生真利黍禾一念聖狂獨村處慰

心那抵懼心多

題錢選諸葛亮南征圖

槎渡羅瀘態逼真先南深入豈辭辛如何集

衆多鳧藻不見綸巾草表人是圖畫衆軍渡瀘江山谿魚貫

前進之意而無武侯像故及之

雨後萬壽山二首

夏初景逼潤雨後曉猶涼湖水新添漲山花  
未歇芳白蠶纔上箔綠稻欲分秧耕織圖常  
攬而非趙子昂

邇年雨覺易春末夏初時愁少即為幸恩多  
可弗寅望秋遙若彼問景暫於斯山意將林  
色佳哉觸目滋

瑩心堂

跨壑築小室其下淙流水出狹稍就平成池  
繞堂趾因以瑩心名澄照俯尺咫置杯膠何

有印月清無比理趣會於斯政要通乎彼

月波樓二首

團團寶月印波心殊勝光明契淨深却是春  
宵秋夕下幾曾攬景一登臨

月自光華波自寬佳名雅合署樓端由來出  
想當然耳饒是曉蟾幾度看

鑑遠堂

臨湖構虛榭萬頃一窗前謝氏清明鏡米家  
書畫船空澄愛天水飛躍任魚鳶觸緒契神

御製詩集卷之三十三  
解理詮復政詮

詠六無齋

六兼齋號豈云徒妙義因何默契夫秋月春  
風常得句山容水態自成圖開窓魚鳥含天  
趣敲案詩書味道腴慨想唐虞代已往迭為  
賓主事斯無

泛舟玉河至玉泉

月餘未經歷雨後一沿洄拍棹水聲去逼篷  
山色來插秧千畝潤鎖葉幾林纔望杏瞻蒲

裏觀農實慰哉

清貯齋

背屏張翠峰前榮羅古樹峭蒨處結構菁葱  
中得路既深益佳趣頻來似始遇花宮聽仙  
梵鈿几遊竹素五蓋既已去三幡亦因悟

靜緣書屋

迴廊緣石洞窈窕復深沈本意在山水忘懷  
成古今無風松自響入夏鳥還吟片刻消清  
暇千秋寄靜心



題董邦達千巖飛瀑

詭巘縝紛疊樹蒼濺珠噴玉意含涼武夷勝  
處稱九曲白也詩情寄兩章有葉貼波皆浣  
錦無風出峽亦吹簧設云著箇人聽好未識  
無人趣轉長

題張宗蒼萬木奇峰

槎枒樹出石嶙峋深秀盤中絕四隣碧澗清  
潭成麗矚蒼葭白露想伊人樓頭何異陶弘  
景谷口宛同鄭子真肥遯長年圖畫裏安知

世上有蒲輪

竹如意

文心德裕賦禪意皎然詩尚有天然節全無  
側出枝羅公術終幻僧紹賜真宜獨喜清談  
處如逢君子時

偶倣倪瓚小景輒題以句

藝事偶寄懷固知非所貴近來更有悟每倣  
雲林意

詣玉泉祈雨

十日期還過分龍候正迴旦明希沛澤堀堞  
鎮揚埃德水真靈矣甘膏冀霑哉亦知遲節  
氣是歲逢潤五月二何以救楚秣雲望目惟  
倦景攀興轉灰名山權閣筆匪為豫遊來

雨四月廿八日

三春惠欲虛一犁澤希渥迴首憶前茲惜哉  
欠普足解一秋麥秀未實春麥苗未秀向擬充  
口腴今切燃眉救解二麥歉北方常去歲乃幸  
然所憂在禾黍多未遍種田解三晝畏赤日炎

夜望列星燦更值籌遐邊殷憂度明旦解四簇

雲亦已升終風又阻暎踟躕心弗寧徘徊竚

階序解五風聲讓雲勢雷雨忽解作入夕霏溟

濛未敢云何若解六霧霑為廉纖其力復漸微

宵衣亦就枕無眠以吁唏解七數漏達五更凌

晨風又起慰不抵予愁反側問無已解八雲恐

風送去亦賴風送來須臾更大沛優零辰已

牌解九興鋤利秋稼登盤報夏收夏至遲廿日

北方麥收探節舒眉頭解十即晴亦云可再雨

斯益善霽烟散午曦惜意仍展轉十一人苦  
不知足於得誰厭多自我尚如此何能怪其  
他十二

題李紹箕谿山訪隱圖

詰曲山椒有路通溪堂猶在白雲中終南若  
復來高憚作者伊人定姓种

詣玉泉山謝雨

陣雨沛今昨都來七寸滋敢云誠有格信是  
澤無涯碧水增新漲青山助舊姿遠方霑也

未慰矣復生疑

甄心齋

詭峰窈窕竹玲瓏蹠步行餘小憩躬心緒欠  
佳艱迴向山齋信美愧卑宮雨苔欲吐痕無  
定夏葉雖齊望轉通安得逍遙託物外惟應  
飢溺塵寰中

湛華室

好山一牕足佳景四時宜峭蒨尋蹊步菁蔥  
入室披風松蒼帶爽雨蘚綠含滋水木清音

御製詩集 卷之三  
滿悠然陽夏詩

清音齋

表裏湖山處棲遲翰墨筵玉泉斯最古長夏  
可稱年風篠含輕籟晴陽卷淡烟寧當亟耽  
靜蘭漿待前川

玉河泛舟至石舫登岸

順水輕舟如不行五里玉河半刻爭山移岍  
轉一篷裏昆明石舫相逢迎舍彼登此祇跬  
步一例飛雲異進住浪花拍舳却無停翻覺

乘流得佳趣動靜名相誰主賓我亦因之悟  
匪真迴首玉泉遙若彼復識匪真無定理

嵌巖室

林壑入竒觀烟雲足佳致嵌巖擬陶穴峭蒨  
饒清閔棟宇既不藉藻績安容試門惟一洞  
幽席可十笏置俯仰託遙會棲遲得近憩堪  
蠲五蓋累以受萬物備縱匪木石居時復有  
此意

翠籟亭

寒濤謾謾綠雲巔嘉蔭叢中有翼然真是色  
聲清淨所尋常視聽合都蠲

唐寅對田騎犢輒用其韻

牽牛從未敢蹊田南畝躬耕望有年手捉漫  
疑包氏鞞心空那憶祖生鞭

五月五日恭侍

皇太后觀龍舟

應節陳嬉悅

壽康天中金翼晷方長龍舟一律候旗颭水

樹千重入座芳已慶迴枯蒲劍綠更希繼澤  
麥雲黃問誰解禱江心鏡頃刻為霖遍八方

詠赤玉鞞

圓外合規度虛中命琢鑽勁能發鵬羽赤可

擬雞冠贈鄙鍾繇

鞞 繇 也 見 詩 衛 風 疏

彈羞潘岳丸

穆如文作佩允矣德堪觀

王蒙幽林清逸

老屋喬林下清溪峭壁邊會心多野趣契理  
謝言詮已下延徐榻誰挈訪戴船何須羨李

郭塵世詡登仙

遣悶

救急剛欣潤土纔甘膏未繼却聞雷祇愁雨

澤風吹去安得逋逃人獻來逆賊阿睦爾撒

境命兩路帥師往 盱食宵衣增愀惘山亭水

謝那徘徊翻書遣悶消香穗一寸流陰一寸

灰

新蟬

新蟬樹杪試聲初了識流光過隙如五月南

訛心益切二弊明受望成虛終風歌暴惟姜

氏繁露調和孰仲舒鼓翼嘈嘈增聒厭那如

鳩喚利耕鋤

曹知白東園載酒

歌岍閒維載酒船劇談虛榭眄江天主人好

在客將去防誤亭中草太元

文徵明松坡高士

松陰有客貌清臞可喚仙翁可喚儒手把黃

庭向空宇即心即境契虛無

律生詩集 卷之三  
詣黑龍潭祈雨 五月十三日

靈境

神憑所誠求每在茲不來惟昨歲北方春夏之交無歲  
不愁旱惟去年未至此禱雨耳亟待又斯時  
菊匿氣方決滂  
沱澤庶施綠苗色雖好敢道未妨遲

細雨

細雨不成寸徂雲去弗留人言將釀澤我覺  
祇添愁十日期應迫三農望莫酬無能甘玉  
食諒匪為身謀

河南山東奏報麥熟

九牧奏麥穀大都以十計五六為中年遜此  
則歉歲七八稱半豐九十恒艱致齊魯春雨  
佳其後過晴霽因之芒種候未得飽結穗茲  
云羸七分疑信吾叅置中州春及夏屢得露  
甘惠麥收報及九額手欽

天賜不以近獨厚寧因遠弗逮為遠慶恐浮  
覩近愁難慰仰首瞻晴  
昊恩膏難久滯

題張宗蒼山水

雲欲蒸為雨林疑動拂颺名山神入處高士  
目成時蓬戶跡無足蘿蹊細若眉依稀精舍  
畔梵放度來遲

復詣玉泉山祈雨

五月十九日

靈境奚辭瀆

明神靡不宗辨香莫伸愫越席強為容浩浩  
常敷澤英英望起封豐隆消息好憲霽晚來  
濃

雨 五月二十日

陣雨油雲數日連徘徊蘊釀始祁然難為去

歲春膏後原是常年夏至前北方春夏苦旱每於夏至前後

始得餅餌登盤期半熟黍禾被壟覩全鮮霑足

農深為吾民幸敢即云怡意倍乾

詣玉泉山謝雨

夜霖歆枕聽簷聲優渥庶纖曉未晴數縣甘

膏起禾黍望雨者亦不過同堂慰志對公卿

是日御趨酬



御製詩二集 卷六十三  
神貺連朝謁渴冀為霖續尺盈於可欲應戒  
知足十思吾未逮元成

華滋館

綈几芸帷小憩時四隣草樹總華滋  
昨朝愁  
亟今來喜愁喜何關境乃移

心遠閣

敞榭崇椒上尋蹊展步行樹梢延野趣  
雨後  
愛山情村柳含烟護田禾趁潤耕  
壁詩鐫歲月今昔驗分明

分鑑曲

夏仲林光猶媚雨餘漲影未消比似武夷一  
曲登仙那藉虹橋

春雨軒小坐因而成詠

去歲春雨好軒成因名之今年春亦雨清蹕  
方東移歸來已夏月始佳後愆期侵尋亟待  
澤霑足幸今茲砌葩鮮以馨屏林華且滋所  
喜不在此開畦繞前墀菜甲既勃生麥穗方  
飽垂學圃豈鄙哉驗農亦因斯先是雖慰志

往來不言集 卷六十三  
後來復願時

鏡水齋

形若菱花澄若空妍媸不示自臨中無於水  
監於民監周誥分明驗異同

題王蒙曲江草堂圖

山清水秀樹蒼蒼擇勝偏宜築草堂自是古  
人企遙慕不知為杜抑為張

西直門外

石街廿里鳳城西雨後郊原綠欲齊晨露漑

讓暢好潤夏雲靄靄易為低幸逢有是霑恩  
霈那忘前茲待澤稽返法官緣致齋戒觀農  
為慰更欽兮

命緩徵浙江本年正供詩以紀事

總督喀爾吉善奏浙西春雨過多麥蠶  
俱減因命緩本年應徵賦稅以抒民力  
並詔江蘓大吏察上年災重之地一體  
緩徵以示軫卹

越角連吳根被災大都似吳吏陳備悉越牧

或諱飾叶所以蠲賑惠遂因異倍蓰徐察知其然補救原同視茲聞蠶麥歉益切飢溺已蠲租及截漕次第施行矣緩徵逮本年例外蕪瘡痍絜矩有常經念此寧忘彼申命詔吳中民瘼虚心揣其有災重區於越恩一體致和已愧之拯災可更委顛望九秋登元氣復閭里

齋居即事

朶殿深沉暑不留清齋晝靜篆烟浮短長南北日占晷小大往來易惕周覺道有風原解愠思量無雨那消愁問予愁果全消未尚為去聲籌邊繫念悠

唐棣松陰釣艇

長松謾謾翠濤寒緩棹清溪把釣竿節概自教千載慕展圖便擬富春灘北郊禮成述事

澤壇殷祭舉平明大禮躬親歲歲行雲幕崇帷歌舜紉蘭浮泛齊式周清鞠躬進退伸三

獻傾耳宮商逮八成正是乘離助養候撫辰  
茂豫奉長羸

江蘓巡撫莊有恭奏報麥收聊用誌慰  
江國重稻秔粳麥本餘事然足接青黃邇來  
頗勤蓺涿水實警予灾沴重去歲蠲賑不遺  
餘米豆仍免稅補救乃百一豈若康年賜南  
北節候殊麥收先夏至大吏報佳音云得九  
分逮市米因減價吾民賴稍濟禁麴令再申  
毋使耗天惠囤積亦並防毋徒利三倍搏節

待秋收庶得復元氣曰予有後命遏糴古所  
忌兩浙近接壤蠶麥歛此際流通貴得宜毋  
分彼此地遙遙望南邦慶慰以為愧

朱德潤溪山秋霽圖

薄溥苔陰減清風樹杪添霽光猶未定雲影  
戀峰尖

詣黑龍潭謝雨

靈澤虔瞻叩酬

恩為既霑露多晨益潤風爽夏無炎柳陌濃

御集言二集 卷六十三  
陰合黍疇生意添新馳大覺寺翠巖遠峰尖  
遊大覺寺八韻

徑轉神潭路言尋法海關兩年纔一瞬片刻  
此乘閒近度溫泉峪遙瞻城子山青蓮宮忽  
到白玉級憑攀指月空標性拈花笑破顏天  
龍吐德水乾闥隔塵寰興到聊為住詩成旋  
命還鐘聲及泉韻迴聽有無間

大覺寺雜咏

暘臺秀屲此夷峻寶網金輪住法空設使瞿  
曇無揀擇緣何於是現花宮

雁塔穹窿松柏森閒齋榻憩暢清襟垂巖瀑  
水鳴哀玉原是前年洗耳音

佳陰禪院重重護流水僧房處處通闡士六  
時無別事花香鳥語悟真空

戴嵩鬪牛圖

角尖項強去聲力相持蹴踏騰轟各出奇想是  
牧童拍點後股間微露尾垂垂

雨中舟泛二首

五月廿七日

邇日炎風熾踊愁澤又艱乘涼聊復爾沛霽  
不期間雨脚飛前浦雲頭暗遠山倚篷因得  
句屬我片時閒

不杼織空羅銀塘緩棹過被疇飽宿麥度沼  
打新荷銚鼎收來煮硯甌滴處磨晚晴餘惜  
意珍重受天和

夏日討源書屋

問

安仙籟便退食水齋臨黃屋非堯志薰絃學

舜心經書昭自古堂構肯斯今津逮依然近  
其源要在尋

萬壽山即景

勅幾視事有餘閒趁爽因之萬壽山雨後石  
峯新若沐夏中林葉密如關化機呈處堪叅  
契詩句吟成旋改刪半月不遊緣望澤澤霑  
一至也開顏

水周堂

構堂水中央而非洲渚上文石以為基綠紗

以為障荷風席間馥漪影簷端漾俯臨契澄  
照竭憩愜素尚渭濱倘可期將從釣者訪

耕織圖

新秧插遍縑新絲課織觀耕候未遲為憶南  
邦災歟後惻然三復聶家詩

雲松巢

蔚薈間常吹謾謾龍蔥中亦起英英作霖惟  
是傳巖志謝組終非陳旅情元陳旅有題  
雲松巢圖詩

墨妙軒

茗華勒壁貞墨妙蒼蒼菁英遠取東坡義蘇軾  
有墨

妙亭近規錫麓情是軒建於  
山園烟雲相罨護唐

宋與逢迎三希堂法帖自晉  
魏以至於元明不

更臨池學山陰早擅名

王蒙幽壑聽泉

滅景山棲悅性靈相攜松下少延停飛泉阿  
那雲深處一例寒濤試往聽

熱

暑信夏之德不熱曷其可惟是塵怨咨協時

責在我及雨又将旬赤日烈如火澤雖霑未  
優踊懼炎風簸水鑑寧獨涼筍席那安坐霽  
對望雲興作解庶滂沱叶

題輿地圖

括地多年仰

聖猷

輿地圖自康熙年間繪而後定或有人乘傳詣各部詳詢精繪而後定或有人乘

身復其地者必周諮博訪而載覈真今復逮

渠搜

上年平定準噶爾迤西諸部悉入版章

兩路分道至各鄂托克測量星度占候節氣詳詢其山川險易道路遠近繪圖一如舊制

閱誇詎類叅軍註院塞應同主吏收益切覲

光周誥凜匪關鑿空上漢臣求宇安歲美吾

恒願望蜀寧當意更留

喜鵲

喜鵲聲喈喈俗云報喜鳴我屬望雨候馱聽

為呼晴

納涼

屢雨亦屢旱都無十日間雨慰慰仍慮旱愁  
愁莫寬即今復待澤炎熇烈且煩廣屢猶鬱



蒸何況彼市鄠致和無良方協時之神權深  
慙泰階符常詠雲漢篇晚來雲氣英清風拂  
帷筵納涼暫徘徊籟霖徒俄延外暑避差易  
中熱消良難

文徵明琴鶴圖即用其韻

蕭齋綠樹蓋重陰家事無他鶴與琴祇許幽  
人來問事相商疏乞以前音

夜雨

六月初八日

落晚雲布空甘澤庶即沛徘徊入更深孤望

亦假寐夢中淅瀝聲謂是風篁吹須臾響落  
簷始信為霖遂響細繼以歇蓮漏半時既慰  
不足抵惜愁益用增愧求衣天向明晨霞釀  
雨意翹顛希渥霑不遑問餘事

陣雨

陣雨凡數番入地剗餘寸時陰時復晴蒿目  
意彌悶禾黍色稍蘇猶之清水唳優霑則何  
有尚冀天龍噴大雲亦漸起霧霈諒已近解  
作擬今夕沃心滿吾願吾因絜矩政恩施戒

於斡

免甘省諸郡正供詩以紀事

上年平定伊犁西北兩路軍需採購輸

輓率資之甘涼肅諸郡邑邊氓誠惓服

勤有足嘉者用免本年應徵正供以卹

勞勩

西北屬有事用兵非得已然非翦勁敵討逆

執醜耳特以道路遙兼之乏任使在伊犁用兵

贊襄運籌者惟大學士傅恒一人而閩外之寄前後所用往往過於選懦昧於機宜屢致

債事殊為愷懋朕於始事即為此遂致彼遊魂

猶然延釜底屈指初卜征逮今復伊犁叶一

年餘數月士卒亦勞止士卒用新附及八旗

弟子芻餉皆採購輸輓計價與叶豈如新安

吏點兵括鄉里尤念購與輓究資民力矣邊

郡風朴淳服勤誠足美用免惟正供休息自

今始佇待獻逆俘歸馬中外喜

題李公麟吳中三賢圖

范蠡

行集言二集 卷之三  
事濟飄然避世喧五湖烟水意行存種山不  
聽幾先語第八徒悲犯玉門

張翰

琴語同開入洛船思吳返棹那俄延祇今朗  
咏黃花句也占風流五百年

陸龜蒙

三日饒州即去之葛巾瀟灑信天隨釣車茶  
具聊攜處相訪惟應李與皮

落葉松

塞外有此種昔曾詠之有因地寒暖變  
節概蒼松何以殊蓬蒿之句今移植御  
苑亦森森成活非不菁蔥插塢居然松  
也一入冬則真偽分矣觸懷得句抑亦  
有所思焉

亦被八公號移來千里途

木蘭去此近者不  
過五百里遠或千

里舉成  
數耳

春前生嫩葉霜後騰枯株頗有充君

子寧無假大夫真松莫相怨聊待歲寒乎

曉起

問夜到天明曉起少雲色涼風翻送爽無望  
徒增悵麥收已報歛禾黍苗方翼長養資甘  
潤滋培要此刻雖切祈年心慙乏致和德仰  
晞瞪發勞展轉以反側旁人寬我云可待愁  
胡急設至不可待縱愁何嗟及

驟雨

六月十日

勅幾泣勤政坐見雲峰起膚寸合崇朝膏霽  
隨霏瀰不雨一滴艱既雨萬絲委急灑復徐  
零簷前頃刻耳起槁榮更蘇解愁病良已真  
稱如意珠無不滿志矣大惠在吾民吾寧不  
為喜喜慮不可亟為君難若此

重臺蓮

蓮花稱君子華寔兩臻善何來有重臺華盛  
實則鮮雲霞纈一湖萼不翻千瓣叶之彼服  
食資方諸畫圖展諒匪瀘溪愛因致河間辯

暑雨

暑雨為霖猶未定乍懸晴日乍霏絲所希黍  
壠亟優渥權置茅簷切怨咨潤達黃泉蚓出

行樂言一集 卷六十三  
土化生腐草照流帷了知望蜀應非美自哂  
孜孜又底為

夜雨

五六月十日

好雨邇來足今霄得穩眠雷車殷夜半雨瀑  
落簷前膏澤豈辭富良苗更起鮮憫農心始  
慰一意祇籌邊

通鑑紀事本末題辭

資治開宗司馬傳分門紀事尚書沿沈袁題  
要臚從古馮谷研精輯續編監夏監殷吁凜

若亦文亦質洵彬然百王後是誰承者師保  
如臨切惕乾

密言造膝有誰知屋漏分明顯在茲盤古前  
文尚疏略三皇後事大昭垂宅心敬肆惟幾  
爾享世短長率繫之給札西清供乙覽要於  
法戒勵孜孜

偶題

不避仇還不避親得教叔向慕斯人若無祁  
大夫之志未可輕言德行淳

張宗蒼秋山霽色

濃翠間深紅秋光艷淨空澄思纔半刻迴句  
得其中

撫帖

吾聞撫帖法不求似求神苟惟啄磔肖是謂  
優孟倫疏軒深以敞甌硯良具陳習字當消  
夏古則貽芳津傳神吾未能吾將思其人

夏日玉泉山

鳴鞭趁曉涼言指名山遊名山豈在多一峯

泉上頭威紆西北來於此結神邱水木既明  
淨洞壑還清幽雨後波聲壯風前嵐氣收築  
塔將斷手開軒正延眸低田及高壠無不綠  
如油信矣慰此日遙哉待三秋迴憶望澤初  
其愁可少不

曠觀齋

表裏湖山間是處獨踈朗虛齋適構成廓然  
涵萬象圖書鑒古今草木樂長養祛彼紅塵  
緣結此青霞想鳶魚自豈知化機一俯仰

後集言二集 卷之十三  
飛雲峴

峻峴常生雲因之每飛去去亦何所之生亦  
本非住畫家得活法禪者契靜悟與我兩無  
涉相遭聊駐步

麗矚軒

虛窗面面聽松濤峰頂開軒據最高碧澗深  
潭常在望春風秋月總宜遭每因物表延遙  
寄似與天遊得靜陶一歲不過三兩至攀躋  
率慮衆人勞

棲霞室

歸雲寫霧空窗紗日與幻之為明霞霞光日  
色兩無定三間巖屋常清嘉既深而靜窈且  
窈長夏如秋顥氣表遙吟俯暢皆合宜默契  
深資殊不少江南精舍定何如因之遐憶明  
僧紹

馬琬倣董源秋山

古寺荒村遮碧岑瀑聲寒注澗溪潄不須留  
白為雲氣蒼蔚平林自作陰

詠王駝

拳足昂頭曲肖奇  
土華璘緡卵金遺  
詎同唐帝過街日  
疑共明君出塞時

打魚

打魚本意去鮎鱧  
為其食魚暴不已  
大罟小網畢技求  
鮎鱧鯉鯪出波死  
鮎鱧百不一二獲  
是謂非愛害之耳  
世事寧無亦若斯  
絜矩吾將慎厥始

荷

雨後琳池濯晚霞  
菡標淨植越清嘉  
後前左右皆君子  
春夏秋冬出衆花  
點處蜻蜓蓋如颭  
遊間鯉鯉柄因斜  
漾舟一種風流趣  
底更遙遙擬若耶

御湖雨泛

六月廿三日

空羅達曙曉猶陰  
私慶今朝定作霖  
勤政勅幾亭午罷  
得教烟舫放湖心  
徐斟急灑意悠揚  
四面珠簾那礙涼  
棹入荷叢渾不見  
水晶宮裏辟塵香



御製詩二集 卷之三  
油雲暗度雨絲明剪取空濛碧  
織撐消得閒  
心攬烟景迴思半夏若為情

御製詩二集卷之六十四

古今體八十四首 丙子五

恭奉

皇太后御園觀荷之作

快雨剗逢此快晴盡驅炎暑曉涼生承

歡日愛三庚永是日初伏及節花看五沃擊微露

延年金掌勝度風清夏玉階清雲龠笙是雙

成按歲歲籌添海屋盈

日影



望雨過夏半無心問風景雨足倚閒庭忽見  
上階影懸光已含清表晷略減永斯寧始於  
斯金柅義堪省

雜花

錦蹊蕪約綻羣英影入窗紗最有情夕鏡曉  
珠光爛爛秋金晴雪態盈盈春園夢蝶不相  
識露砌悲蛩有宿盟若向玉臺理新詠祇宜  
採藻是飛卿

高克恭林壑高風

樹態峰姿濕潤凝危亭趺坐悟南能軒軒漫  
道偏孤寂太古林嵐耐久朋

題張宗蒼雪景

疊嶂玲瓏萬樹皚溪邊應是訪梅迴越童慣  
解收瓊屑曾供陶家使令來  
上伏何來滿意涼千巖雪色對宗蒼茲人真  
蹟從茲少所遇隨題自不妨

西直門外

視朝臨法宮趁曉策青驄豈不日咨政曰此

禮所宗石街路蕩蕩柳陌烟濛濛已喜滿葉  
露將吹華黍風踰月未經郊外道瞥眼流光  
入西顥早黍晚禾率已齊下隰高田皆覺好  
自哂吾愁何太早復思正亦不可少

新秋瀛臺雜咏

琪花瑤草露華浮水面風來香滿樓恠底今  
朝披颯爽日交秋月節迎秋  
名園日涉方成趣我却踰時始一來了識餘  
閒不多得猶然位置復何哉

竹蹊詰曲如詩讀湖石玲瓏當畫看屣步不  
妨過半里心舒雨後曉秋寒

花鳥契幽皆悅目林泉遠俗總怡情設教著  
處標名字反覺區區太泥去聲生

嘲劉統勳

劉統勳以協理總督轉運軍儲駐巴里  
坤逆賊阿睦爾撒納之叛煽阿巴噶斯  
哈丹等擾我臺站將軍永常聞風恒懼  
自木壘退師巴里坤劉統勳輕信不察

率議棄地退保哈密審爾則何以不數  
月間大軍旋收伊犁逆賊亦何至窮蹙  
遠竄耶朕燭照其謬慮搖軍心命褫職  
治罪今舊疆蕩定逆賊指日就縛念劉  
統勲一書生也軍旅非所嫻且非所職  
設令模稜者處此轉以緘默自全而奮  
發吐露尚知急於公事是其識雖乖而  
心可諒爰畀以原官并拈此嘲之  
集賽伊犁歷一過珠岷請棄竟如何我非勤

遠惟觀火卿誤養奸作止戈究勝寒蟬原所  
諒堪稱老馬可無訛犂牛即駱駝也騎進陽關矣  
只恨難為叩角歌

蘆花

液池蘆葦每先御園作花蓋以種植年  
久根深蔓長發生既早衰落亦如之觸  
目有會因成二篇

蒼蒼掩映白蘋洲怪爾含風劇報秋物理試  
同人較量定惟老者早宣頭

行集言集 卷二四  
颯烟采露吐絲絲搖曳秋光滿液池園葦不  
須嫌落後遲生贏得老還遲

悅心殿

納遠虛窗萬景羅往來清憩此為多金仙露  
下清秋氣玉竦風生太液波自是山林在廊  
廟不妨蒲芾入松蘿是日御殿後即問予底  
於此更衣故云

事心知悅暘雨剴時蔚黍禾

長河舟行雜咏

川路端宜趁曉涼溯洄偶此泛烟航誰知伊

輒棹聲裏瞥過長河十里強

水淺舟膠向怨遲漲增雨後恰相宜有源尚  
爾需資藉嗟爾無源厭取資

蘭橈曲折過前川鏡裏樓臺宛若懸樂善園  
中松好在龍鱗待撫又經年

露氣波烟滃未消陸塍水町蔚新苗一般歡  
喜非絲竹勝爾維揚廿四橋

湖心樓

金河流至此而益寬匯為一湖以蓄其

勢並為長壩以備節宣斯長河左右稻  
田皆資灌溉矣湖心樓三間大有嘉禾  
烟雨之致

坎流允澤兩相資湖控金河合在茲便向中  
央起樓可每因稍暇泊舟宜瀟湘畫意看米  
老烟雨詩情憶禦兒長壩節宣稻田賴淙濤  
聲在坐間披

金河泛舟至玉泉

舟舍長河泛玉河尋源欲至玉泉阿湖心背

指紅樓遠波面遙瞻翠巘我漠漠水田新雨  
後輕輕隄籟曉涼多菱絲甍杜分明是那更  
拘墟較若何

界湖樓

金河高長河玉泉高倍蓰設非次第蓄一瀉  
無餘矣裂帛本有湖方塘數畝耳接上擴充  
之此湖殊渺瀰界隄築橫樓漪影翻窗紙實  
得空澄趣詎止烟波羨面面闢溪田萬頃綠  
含綺隨時祝有年是吾乃所以

題董展三顧草廬圖

遺世高風卧草堂  
殷勤三顧篤樓桑  
因應感激終身識  
二十一年那便忘

賦得洗車雨六韻

高樹晚霞晴  
油雲嶺外生  
秋霖飛倏忽  
七夕度分明  
拂漢曾無爽  
隨輪似有情  
定應命造父  
豈為降方平  
碧落寧留滓  
金根待洗清  
不知誰家恨  
點滴聽深更

昆明湖荷花詞

深紅淡白盡開齊  
水面風來香滿隄  
誰道秋湖乏春色  
春光恒在六橋西  
淨植清標欲拂衣  
錦帆風裏度芬菲  
漫云鷗鳥無情者  
看取眠波不忍飛  
十里霞香蕩  
槳過花潭葉嶼錦成窠  
絕勝越角將吳曲  
未許妖姬鬪綺羅  
綠蓋珠擎曉露濡  
盈盈照水足清臞  
近天贏得常吟賞  
麴院還能似此無

雲淙室

雲裏流泉活似雲雲容泉態兩難分極娛視  
聽根塵淨耳可為觀目可聞

泛舟登石舫

月牖居然迴風帆了不移換舟仍隔岸登陸  
復臨涯水態雲容靜浮深泳廣且橈聲去遠  
寂離即一為思

新秋萬壽山

花氣宜過雨梧風最引秋登高渾可望遇勝  
亦因留絕頂本無暑大田臨有收居庸直北

翠佇待捷音郵

花承閣

月匡早種千年樹雲構常承四季花何必餌  
芝將鍊石陵塵是處即仙家

題隨安室

花承閣東峪結宇敞而幽忽步階梯降方知  
上下樓室聊因舊號隨安蓋子舊書室名也學祇仰前

脩今昔勞閑異惟從二典求

養雲軒



行言二集 卷二十四  
巖室無端倚翠微朝嵐夕靄蔚雰霏便應滿  
貯英英氣留待三春作雨飛

題張宗蒼摹郭熙筆意

山勢排空樹染霜傳神活脫是河陽高人望  
愛松頭月客子詩成驢背涼朔氣惟應愁宋  
玉南雲今復見宗蒼如探勝到幽窮處將謂  
無多意轉長

內府所藏宗蒼手蹟搜  
題殆遍故未句及之

移竹用白居易題盧秘書新栽竹二十

韻

品稱松梅友標從澗谷槃端惟康伏種誰覺

歲寒難暑雨纔過漢清風要拂欄相延君子

植宣命上林官遠莫離墻外虛教暎座端拋

簪應折玉置笛漫成樂秋矣土仍溽

時雖秋  
月而尚

在伏內故  
可移竹時哉露已團琳階乍淇渭負嶠擬

珠玕遐想白居易時當夏日殘友人相志契

題句忽心寬籤拂秘書帙蟬籠少傅冠詩情

真灑落酒興未闌珊颯颯葉全放亭亭根互

蟠眼空上下古意足兩三竿而我曾何謂亦

為如是觀盡疑展同軾賓欲比金蘭恍可消  
清暇猶能引靜歡既深因既邈宜密又宜單  
聲夏盈聽寂陰交滿目寒獨思彼作者寧識  
此迴看

元人傲米氏雲山

七澤山圍碧水三湘雲重蒼天何必重尋姓  
氏直稱海岳家傳

立秋日作

立秋宜雨又宜晴農諺何曾有定評今日雨

佳晴亦快對時頗手祝西成

晚晴落照

秋雨既應節晚晴真復美徂雲戀日光絳染  
拖霄綺林翻鴉背葩高低雜翠紫農徵信慰  
懷觸目皆堪喜涼魄暎素輝蘭舟候湖涘

泛月

驟雨過河源緗雲一以斂秋蟾向圓際罔罔  
清光澹時我當慰志御湖聊遊覽金波疊綺  
縠玉蕊霏菡萏舟徐棹不鳴岸近螢猶點蘇

行樂言集 卷之四  
壁興飄飄謝樓寒  
曖曖酒醴設弗斟  
笙歌俗可減惡旨  
彼宜欽長夜吾豈敢

倪瓚山水

老筆踈踈了了幽襟落落蕭蕭假相不妨貌  
似真宗誰解神超

膳羊

一時思膳羊問之尚膳云爛羊向每供邇何  
闕供頻尚膳者答言羊亦有等倫或自喀爾  
喀或烏珠穆秦納諸慶豐牧慶豐司屬內務府職養外藩進

羊以供尚膳取用

近乃多牂羴以此未烹進遺忘非

庖人我謂此言誕屬內務府臣牧者果致瘦  
所司罰宜申苟有博碩者是乃飼養勤其過  
在尚膳可聽虛辭文慶豐牽羊來三十維物  
羣其角咸澱澱無一羸露筋設倉卒市取市  
無北塞粉有亦一二耳如許從何臻乃知尚  
膳譎卸過計可嘖倘教置弗問慶豐屈何伸  
一羊事本細而我畏有因賞罰苟蔽近吁將  
害及民辨詐取吳亮戒宣愧宋仁

後集言二集 卷六十四  
夢遊仙篇

遊仙不藉僊佺松食之三百歲有窮遊仙不  
藉徐福船五千男女海外捐真人尺宅居中  
央素雲為車駮兩凰傲睨碧落寥茫茫銀臺  
玉闕參紫皇桑田變更凡幾閱可惜六鼈骨  
已雪東廂技癢乍窺牕王母見之乃饒舌雙  
成如花貌嫋嫋三萬六千猶青年

鞠歌行

含章靈芝相連延檀為鞠室錦布筵金釭落

帶夜繼日美人擊鞠乎其間驚笙象板法曲  
度漢皇輦過或不顧夜深散去螢為燈響屨  
莎街濕秋露

有所思

我思虞廷應無面從人重華何事猶諄諄大  
智若愚大詐若忠動云孤立寧無暗同昔亦  
登泰山龍崇壓齊甸一指橫目前咫尺不可  
見觀火實易觀人實難逆詐詎可先覺稱賢  
蒿目茫茫心為寒

行集詩二集 卷六十四  
題張宗蒼畫

隔谷相看瀑水寒  
漁舟唱晚泊前灘  
設如作者為皮陸定道  
斯宜卜澗槃

雙烈詩

雙烈詩者例雙忠詩而作也昔駐藏都  
統傅清左都御史拉布敦誅叛臣朱爾  
墨特納木札爾以人少力微二臣死事  
然究能鋤元兇而安絕域故臨奠建祠  
並有雙忠之詩以揚其勲去歲命定北

將軍班第議政大臣鄂容安駐伊犁時  
二臣既奏阿睦爾撒納有反志朕命便  
宜從事庶幾消患未然乃二臣觀望疑  
慮以致兔脫而賊黨反得結連赴約  
我軍營二臣力不能敵捐軀沙場猶之  
死王事也一以勇決建績一以徘徊償  
事然而臨難致命奮不顧身有足哀者  
今大兵既靖伊犁逆賊窮蹙逃竄不日  
獻俘二臣靈輦至京之日朕亦親臨醮

莫並成是作雙烈云者蓋不如雙忠之  
盡善矣

昔有傅介子手斬樓蘭頭通權建殊績芳名  
播千秋况乎統三軍既悉彼逆酋一武夫之  
力何事仍夷猶逡巡大軍徹偏師五百留彼  
梟有密約入覲中逗遛八月廿五日三處共  
一謀阿睦爾撒納來阿爾台陬將合其部眾  
挈妻孥以逃叶是則預有旨其妻孥盡收厥  
阿巴噶斯斷我軍書郵克什木巴朗伊犁逞

劫偷兩路如期發猖狂肆叫詛叶蜂屯更蟻  
雜不可爬與梳叶二臣知不敵全軍將內投  
而彼截歸路加以聚虬蟬巴朗謀致辭權假  
為我速徐當備馬馳送之返皇州二臣怒唾  
罵天朝無此媮効死視如歸背義生肯求奮  
旅更前進氣髮衝兜鍪終知事不濟畢命飲

屬鏤叶問罪重整師豈辭雪載途叶阿睦爾

向謂事難成者皆以為不出所料伊犁卒不  
能平朕料叛賊陰險多詐其得在此其失亦  
在此伊犁之眾不過一時附和終不能人盡  
從彼若少延緩則叛賊又將別生變詐反失

事機因正永常恒怯退師之哥急趣西路軍  
帥寇期進勦旋於今春直達伊犁逆賊失據  
 奔竄旋復定伊犁脅從寬厥尤一二助惡者阿謂  
巴噶斯克什木之流繫虜皆虔劉渠魁竄異域王師奮  
 遐搜亦聞哈薩克縛獻深同讎命求二臣骨  
 靈輿返首邱臨奠例雙忠惜哉淚湧流初若  
 聽我言寧有今日不忠於國有濟烈惟已不  
 渝叶究匪貪生比使我悲心悠朱門歌舞輩  
 青史文章傳我豈為彼哉長歌旌乃休  
 舒布圖鎧巴圖魯奇徹布歌

千人萬人敵昔有亦惟能將資衆力一人奮  
 勇敵二千昔未前聞今始出其人曰惟奇徹

布向為侍衛備宿直叶去歲從軍監包沁包

沁之人乃通賊厄魯特呼礮為包包沁其司

克諸爾率衆二千餘人來附逆賊阿睦爾撒  
納之亂包沁煽動出卡倫為官軍所殲

來圍其帳欲肆害奇徹布曾無懼色徐腰橐

韃手弓箭出帳跨馬聲霹靂蟻聚叫謹羣近

前應弦馥倒賊辟易辟易復前恃其衆長槍

火銃競相逼奇徹布且戰且走得一柳林為

征言二集 卷六十四  
障翼賊人圍之凡數重恐自傷無施銃隙持  
槍人亦弗敢進進被箭苑屍橫路二千人各  
二千心一人氣奪二千魄侵尋天暮衆西奔  
竒徹布歸奏殊績賜金賜爵酬勤勞復請從  
師官宴息舒布圖鎧巴圖魯神勇之名汝應  
得荆軻孟賁匹夫豪日月燭火光應熄我歌  
嘉爾豈徒然勗我八旗永為式

三巴圖魯歌

巴圖魯者勇冠軍昔我旗人頗恒有近世以

來殊不聞蓋因太平日已久歲寒松柏見後  
凋當春何以殊榆柳邇者西鄙屬用軍折衝  
咸欲効奔走舒布圖鎧已起羣三巴圖魯亦  
赳赳其一額納伸去歲伊犁從將軍將軍使  
彼詢事因單騎逕入衆賊羣左支右屈箭斃  
數人知事不濟拔刀自刎期報君其一巴寧  
阿讀作麻韻倉卒亂時將軍前後護衛相蔽遮發  
無不中中無不死殺人如麻將軍遣之出巴  
寧阿曰朝廷命官偷生安往耶力敵視將軍



盡節然後伏劍義烈真堪嘉二人既死還復  
甦宰桑巴礫得之壯其志養之數月我師再  
入方得歸軍牙其一曰富錫爾將軍命之攜  
印以出歸帝里其奈賊人擁蜂更屯蟻料不  
能出將印沉之水力戰受創命垂盡伊犁喇  
嘛救之得不死故賜額納伸曰卓禮克圖巴  
圖魯卓禮克圖者節義卓爾永不渝賜巴寧  
阿曰昆都爾巴圖魯昆都爾者力敵萬人暇  
有餘賜富錫爾曰哈布台巴圖魯哈布台者

穿楊貫石技不殊迴思去歲迅功成亡矢遺  
鏃夫何曾不期小醜逆志萌未能除蔓我二  
卿乃致沙場雙捐生亦我聖謀遙未精嘉我  
旗人多忠誠舊風未遠垂儀型愉以為戚留  
定評乃至西海揚芳聲

### 哀伊犁

我哀伊犁之人久迤邐去歲底定將謂自此  
永息肩而胡公麼密計復煽亂伊犁之人亦  
相附和為叛奸後旋知悔過欲擒賊渠贖罪

誠可憐乃以衆志不齊相觀望逆賊鋌而走  
險攻中堅十餘鄂拓途巡各退遯反致劫擄  
父不保子夫不保妻遭流連加以爭相奪攘  
為矯虔强者食弱壯者食幼互暴殘馬牛羊  
食以盡野無黃獨室無私疾疫出痘亡者白  
沙捐伊犁河流為之赤竟有血人於牙以異  
旦夕延王師重入匍匐歸者軍門環伊犁之  
人汝莫歎孰令汝二三其志自作孽患焚焚  
泯泯忘大義民無二日汝獨有二天於古有

云既來之則安之余亦焉能屏棄旃為之禁  
盜劫為之勗耕田逆賊既除自今以後汝得  
高枕眠休養生息延數年或得元氣復以全  
如此而已寧須竭內地力萬里惠窮邊

伊犁喇嘛行

蒙古之教宿尚黃宗喀巴以來三百餘年其  
流長昔顧實汗以此雄據衛藏攝羣部然亦  
不過假名敬佛要乃所以收衆方強吞弱噬  
互攘竊無不垂涎達賴喇嘛貌為恭謹其實

心弗良策妄阿喇布坦創據伊犁有弗遑然已計入西藏肆披猖逮噶爾丹策凌遂興黃

教名曰安衆生叶亦效西域建都綱都綱者

喇嘛聚而誦白羶為室布為墻後遂範金作喇之室也誦

瓦覆棟梁金仙相好備嚴莊六時梵唄聲無

央塔本集賽供餽糧噶爾丹策凌於伊犁河濱創構佛寺北曰固爾

西勒圖者凡四牀喇嘛坐牀者為西膜拜台札南曰海努克聚集喇嘛令其五鄂拓克輪

吉諸宰桑其善在此其弊即為殃喇嘛達爾值供養之蒙古語謂五為塔本輪值為集賽

濟及達瓦齊相繼篡立無不藉諸喇嘛之力

以肆強逆賊阿睦爾撒納亦結若輩為黨以

煽亂其窮竄也旋劫奪喇嘛馬駝用致遠去

颺喇嘛散去乃同嗎哈沁蒙古謂肉為嗎哈

者覓肉食自活安知五戒六度如佛所云皮肉

骨髓盡捨以救人飢荒是誠楞嚴所謂外道

貌佛弟子為講張勿謂佛不慈汝俾汝遭喪

亡側身西望爰作伊犁喇嘛行

固爾札廟火用唐韓愈陸渾山火和皇

南澁韻並效其體

拓土今踰吐谷渾奚論邏迤將河源何來狂  
童欲竊吞再整戎車安輕軒亂之不戢終自  
燔師壓波羅塔拉原義所動彼亦履坤諸鄂  
拓兵無際垠狡計近窺喇嘛垣盜駝馬逃藉  
桑門人思見日汝蔽暎名佛弟子心狙獫如  
魚背龍竊友龜雕不搏鷓乃搏鷓以致遊魂  
遠跳奔衣黃空忝人中尊固爾札本菴羅園  
天人供養莊嚴繁朝螺暮鼓法音喧仲氏吹

箠伯氏塤刹竿高標金字幡胡僧碧眼脫其  
禪露兩肩肘及兩臂羊鹿牛徒示三轅天龍  
軍遲屬橐鞬修羅乾闥挾雙轡掃其穢跡風  
以帑火輪轉法羞脈腦炎官祝融朱雲屯烈  
颯出穴口如盆鑠金爛石焦窪罇四大誰解  
無生言那伽此云龍也不為吐水翻有其成之毀  
必反賓頭盧瞋目雙暖如彼葉落還歸根淨  
業何有於烏孫創興黃教駢肩跟假藉敬佛  
市惠恩亦欲貽法其曾元二世滅裂不可援

狼貪虎攫難盡論汝狡避禍來謁閣膝前面

陳涕漬痕憐汝賚汝安汝魂解衣推食奚汝

寬野心偕德義何存固應天殛絕爾殮洛那

即古大宛今各方非世婚去歲劫擄遭爾昆

阿睦爾撒納之兄巴特瑪策凌及其黨額林

沁相繼奔哈薩克以圖樓托其後皆肆搶奪

逃竄三窟未必容爾蹲小大怨汝奚騰騫亦

月申酉利復怨銷兵魚海靖鯨鯢瓊琳琅玕

貢崑崙四西勒圖何瞽昏固爾扎廟內喇嘛

圖蓋彼之助逆不當遭劫焚竭和韓韻足解

煩泰山北斗一抑捫

馮木特詩

厄魯馮木特本其舊宰桑領衆扎哈沁扎哈

守邊界也所職守邊疆昔奉其主命侵掠我駝

羊正事在雍正八年西鄙衆軍士羣知勇異常前歲三

策凌都爾伯特策凌孟克謂之策凌烏巴什嚮化入相

望馮木特親追闡進我卡塘弗及乃退出未

敢肆猖狂維時予有命邊臣爾何恆時駐烏

台防邊者為副都統達青阿即以隘界等無

人不敢汝罪當邊臣聞乃懼誘致奏九閭予  
謂不明討計誘失斟量命釋馮木特薄責勵  
戎行阿睦爾撒納彼中久披猖馮木特與戰  
屢勝兵威揚撒納大窮感始決親來降侵尋  
彼大亂我師壓境強馮木特亦歸優眷加冠  
裳進兵命與議造膝陳言良撒納今雖順其  
心乃豺狼不可命彼往往必為厲殃予云不  
逆詐遣彼亦何妨使其顯背叛正罪往斧吭  
亡何定伊犁亡何逆蹟彰譎賊謀夙定煽亂

為鴟張馮木特力寡勁敵歸途塘

馮木特與將軍班第

等

同駐伊犁尋

以養痾他適無兵衛

猶手刃

三賊力盡馬亦僵被擒見撒納不屈氣更昂

逆賊責之云衛拉天各方法汝何心嚮內同類

而相戕馮木特唾之理義人之綱舊主嗣早

絕

謂噶爾丹策凌

匪我獨愬忘大君惟討逆信義昭

煌煌擒我後捨之既歸息遇滂於恒尚應報

起死可弗償嚮內非獨我汝先沐寵光一死

我弗懼駢誅汝立亡逆賊慙無言絞縊厥命

傷伊犁重底定遊魂走踉蹌脅從以次擒生  
致明憲章問以禡木特畢知顛末詳烈士何  
處無未可分域鄉錄實隳括辭千載流聲芳

花門行

花門雜種其類繁玉關迤西西海連或居城  
郭或遊牧牧滋畜獵城者田其性均能殖貨  
產剗勇善戰則鮮焉部落雖殊形貌似皙面  
綠瞳赤髮鬖大宛即今哈薩克布魯特近古  
于闐其他不堪俛指數要視強弱為歸叛叶

準噶爾昔全盛日役使若輩如奴佃令棄故  
居來伊犁課其引水種稻私服勞供賦不敢  
急詎知隱恨已有年逆渠去歲竊據際回人  
助之藉少安台吉宰桑心不一逡巡各退遭  
顛患叶而何逆渠復狠忌謂回人衆其力全  
不早圖之將受害機事不密回人先遂攻逆  
渠渠敗衄回人還向故土遷拆屋伐樹示不  
返伊犁荒涼吁可憐地積白骨草木赤腥風  
吹野遊狐獾一穴構害貽萬億降殃會見昭

昭懸

蕃劍行

蕃劍一泓波溢塘  
鈇從文起飛寒芒  
其來伊犁萬里外  
限以大韃天各方  
語言不通振古異  
誰歐冶為去聲為魚腸  
昔策妄阿拉布坦  
草創絕域誇雄強  
大小策零數多卜  
皆其羽翼兄弟行  
大者善計善將將  
小者勇萬夫莫當  
矢石雨下自弗著  
亦不驚避狀若常  
馮木特及撒拉爾  
自謂弗及言之詳  
此劍乃彼所佩

用不離身持短入長  
強者死絕弱者亂  
曾不歷世羣喪亡  
焚焚孤媳挈部落  
歸命貢此呈天閭  
暴得暴失何足紀  
聊紀嚮化武庫藏  
聊紀嚮化武庫藏  
吾猶慮其為龍飛  
去水中央

蕃甲行

權輿甲冑作軒轅  
銅頭鐵額人驚看  
函人慎術精五屬  
合甲壽至三百年  
然惟犀兕察草空  
上聲眡裏眡朕要  
取堅後世乃有鎖  
子甲鐵環金練蛇  
鱗翻我聞其名未  
覩物偃武日久



工失傳底定伊犁盡肉袒台吉宰桑來後先

取其重器藏武庫鐵章蕃甲驛致駢伊犁得

鐵章一蓋其台吉世當時噶爾丹策凌恃遠

抗大數聲擾邊其人狡譎習攻戰頗能憐下

人稱賢備器致用懾鄰服哈薩克無能為患

以武得之守詎可逆天內潰宗弗延廿一昂

吉皆入化昂吉者蒙古語部分也準噶爾所

鄂拓克為一昂吉凡二十一是皆噶爾丹策

則各令其汗王札薩克等四圖什墨為我臣

掌之一如四十九旗之制

什墨圖什墨者大臣之稱也又其次為六札

爾扈齊佐圖什墨理事者也今仍其舊授四

圖什墨為內大臣札爾扈齊為散秩大臣管

理二十一事組鎧虎皮包弗用或異得四白鹿

旋處暑

代謝憑誰測由來其理常天高雲影淡日遠

樹陰長池葦何妨白田禾漸喜黃風從西北

至思共捷音颺熱

數日金風爽將云節已更何來劇炎溽轉覺  
甚朱明早稻真宜暴晚蔬慮過晴無全信艱  
致可以驗人情

羅扇藏還展絺衣叠復披不妨重一試了識  
不多時蟬噪如相競蛩音自覺悲西師歸奏  
凱或免冷侵肌

詠枕榔文洗

成材出南土製器設東榮樸斲非雕鏤天然  
稱品評文如竹連理色似玉含頰承水宜高

密其心一例清

西直門外

石街瀾迤禁城通行慶平明返法宮候值銅  
禽催玉粒晴看寶穡颺金風烟澄綠墅趣無  
盡露重黃疇望總同茂對自教心慰悅可知  
憂預盱宵中

承光殿作

曾城十二匪崑崙每凭朱欄興欲軒白帝素  
娥留古栝秋風太液自金源暇當綈几身聊

憩景入紗疏  
意與存重構  
輿梁利行旅  
新看虹影飲波翻  
御河橋年久重脩時成

悅心殿

氣澄景已清  
雨霽山愈翠  
位置本人工  
歲久足幽致  
詎祇春陰佳  
請看秋光媚  
瓊島暎峭  
舊太液披清  
沁遠俗得靜  
怡味道資深  
契可以減芻豢  
孰云非禮義

賦得太液秋風六韻

呈漪如應律  
拂沼似行空  
三架水雲榭  
水雲榭構

池中秋太液  
風詩扁于石屏  
千秋閭闔風  
依然閱今古

誰與辨雌雄  
似妬鏡光白  
偏拖縠影紅  
波瀾驚睡鴨  
岸響送吟蟲  
佳景春明紀  
由來賞莫窮

賦得人字柳

豈必蒲同凋  
早亦非花與  
榮爭借問人  
稱誰氏依稀  
彭澤先生

賓竹室

月下檀欒影  
風前浙颯聲  
籟兮吹汝和  
聲去夷

也聖之清等度真瀟灑安排豈城平便應延  
入幕底鎮傲南榮

秋日瀛臺

碧樹朱樓翠島响到來人似月中人千枝共  
愛霏金粟九斛誰當輸玉塵境詣幽惟却藻  
續水澄波處養冲真笑予未是忘言者鳳味  
龍香率喜親

舟泛長河雜詠

香飄禾黍露華浮悅目長河耐進舟欲返御

園趁晨爽桂花深處度中秋

隄柳汀蘆澄曉烟鳴橈聲裏度前川迴看萬  
壽寺中栢活句放叅忽一年

建閘通舟利漑渠設如一瀉乃無餘因思績  
學將治弊政醞藉為高要在徐

中秋帖子詞七疊前韻有序

萬寶西成九秋中夕頻年染翰曾裁七  
字之詩随地徵吟舉續四篇之韻憶昨  
歲仙莊錫宴錘峰映萬樹燈燒緬酉秋

西苑摘毫太液愛一奩冰澈乃者紀開  
丙子序屆白藏金韃轉而銅雀鳴珠露  
滾而玉醜滿賞良宵於爽節撫清景於  
御園湖接昆明不數汜流光於甃社山  
連萬壽何勞誇幻術於廣寒况值法官  
行慶之初迴螭頭星擁又當紫塞大蒐  
之旋舉豹尾雲高萃勝事於一時具人  
間之四美惟是遠懷莫釋詎逸豫之能  
耽顧茲佳景當前庶憂勤之共寫疊慶

舊什用示新裁

人自匆忙月自閒誰能萬慮一時刪韻翻七  
疊詩初度却喜園林接壽山

世界三千放大光桂宵摘藻字應香應潮為  
憶吳江浦二鬴能不聲平足管匡

陡懷西北未歸師淨洗長吟杜甫詩瓜餅絃  
歌渾覺厭清光獨對照清池

捲幔山河近水樓嫦娥應道獨宜秋玉堂事  
動成佳話染翰詞臣共舉頭

中秋即景

天龍應是謁蟾宮  
竟日霏霏細雨濛  
入夜摩雲全體現  
中秋佳節萬方同  
玉蕊含澤黃滕外  
金粟飄香碧海東  
朗照遐思到西極  
凱旋佇待奏膚功

仲秋萬壽山

月夕堂堂過壽山  
得得來家宜點湘筆  
豈必獻瑶杯  
桂是餘香矣  
蓮真淨色哉  
明將發清蹕  
對景一追陪

望蟾門

岩堯傑構俯昆明  
金粟銀漪映座清  
不負佳名是今度  
尚看曉魄掛西楹

瑩心堂

秋堂峽上號瑩心  
望聽泠泠不操琴  
境為心瑩心為境  
主賓妙趣足研尋

綺望軒

高下黃雲一色同  
西成今歲辛綏豐  
秋郊端勝春郊望  
惟是閒花紫間紅

御製詩二集 卷六十四  
玉河泛舟至玉泉

數里烟波渺一川源委通便教鳴桂棹可以  
達花宮山色看看近秋光處處同點汀蘆穗  
白照岸蓼花紅水物宛供賞溪田又卜豐底  
緣心不釋西北待成功

靜益書屋

三間精舍白雲隈今歲居然初到來不是山  
靈具神解爭教秋葢一時開

犁雲亭

閱耕亭子青雲表鋤雨犁烟憫家勤每值秋  
來方稍慰綠雲即漸作黃雲

近青閣

閣號近青棲碧岑高秋騁目一登臨近朱者  
赤近墨黑到此偏饒空翠心

弄珠室

琳漪溢蘭塘萬顆呈夜光底事弄不盡鮫人  
箇裏藏

--	--	--	--	--	--	--	--	--

[Blank page with some staining]



